

重刊清平縣志

重刊清平縣志

卷四

祭譜暨義舉
公業附

涇陽縣志

節孝

明已旌

李氏指揮石宣妻宣卒氏年二十四無子守節七十
三歲卒

秦氏石珍妻

王氏失其夫姓名

白氏千戶王雄妻雄卒氏年二十遺子甫週歲誓不
再嫁撫子龔職六十六歲卒

郭氏千戶王保妻保卒氏年二十八無子母黨欲奪

其志誓死不從紡績度日矢節終身

王氏周德妻年二十九德亡撫遺腹子鼎成立姑莫氏性嚴急事之得其歡心學使徐題旌

王氏庠生孫方妻年二十七方卒無子守節終身巡按毛題旌

卓氏旗軍嚴茂妻年二十茂歿子甫半齡誓死撫孤巡撫毛題旌

國朝已旌

范氏胡鎮國妻

劉氏庠生孫有謨妻

劉氏庠生丁爲彦妻

李氏王世墳妻

按以上節孝舊稿均略其事實祇載青年守節今無所考從之

盧氏王純修妻年二十歸修二十四修歿氏哀毀不欲生因翁姑在堂幼子在抱氏矢志守節家甚貧勤女紅孝養二十餘年翁姑相繼歿竭力喪葬撫幼子遊泮守節三十七年乾隆四十年奉

旌

王氏劉暄妻年十八歸暄居九年暄歿姑八十三歲

家素貧氏親操井臼奉養無缺及歿盡哀禮方夫
歿時遺三子長四歲次二歲三甫八月氏鞠育辛
勤送師課讀歲時賴紡績爲脩脯費後三子次第
列膠庠守節三十四年乾隆四十五年奉

旌

余氏唐德泰妻年二十歸泰三十泰歿翁姑年老氏
色養不衰翁歿哀禮兼盡姑病久卧床氏日夕躬
親湯藥號泣不輟志堅節苦乾隆五十五年撫憲

額題

旌

旌
余氏庠生雷熙妻年十五適熙生子二公羽歿姑存氏
借熙送死養生均盡禮已而熙歿氏奉孀姑撫幼
子賴鍼術生活里黨憐之嘉慶十四年撫憲鄂題

旌
顧氏余培妻年十五歸培生子二長廷相次廷佐女
一培歿氏年二十食貧茹苦孝養翁姑無稍倦洎
翁姑歿哀禮交至訓課二子俱遊泮嘉慶十四年
撫憲鄂題

旌
雷氏羅門妻年十七歸門生子家鵬甫數月閨歿時

翁姑年邁四壁蕭然氏紡績奉養越五年家鵬天
折撫姪家藻翁歿喪葬維謹姑卧病氏侍湯藥夜
焚香禱祝願以身代尋獲痊及歿喪葬悉如翁守
節五十一年嘉慶十四年巡撫鄂題

旌

孫氏張昺繼妻也年十八歸昺未及年而昺歿服闋
歸寧父母勸再醮氏痛哭而返自此絕跡母家撫
昺前妻之子遊泮子歿遺孫男五女二復撫孫成
名畢婚嫁卒年七十九嘉慶十四年撫憲鄂題

旌

程氏顧汝妻年十九汝亡子宗淮生數月氏矢志終
守卒年七十嘉慶十四年撫憲鄂題

旌

孫氏王嘉梅妻年十六適梅生子二女一二十七歲
梅卒貧無立錫翁姑年邁益喪明行止坐卧氏悉
扶持之醫藥諸費紡績供給無少缺嘉慶十四年

撫憲鄂題

旌

夏氏吳自湘妻十四歲歸湘生子學聖湘歿氏年二
十翁姑在堂奉養惟謹及歿哀禮備至子學聖尋

卒撫幼孫成名守節五十三年嘉慶十四年撫憲

鄂題

旌

段氏李鍾璠妻年十六歸璠生子澂鍾璠歿彌月次子瀾始生氏年二十矢志靡他奉翁姑嘗言欲使夫無地下恨子稍長翁姑繼逝家雖壁立塋祭悉盡禮訓二子挑燈課讀十餘年瀾遊庠諸孫克紹祖志守節四十三年嘉慶二十四年撫憲韓題

旌

姚氏石廷襄妻年十四歸襄時翁姑先歿祖姑在堂

氏與襄事之備得歡心祖姑歿葬祭盡禮二十六
歲襄歿遺子三女二次子永年遊泮餘畢婚嫁道
光六年撫憲嵩題

旌

孫氏庠生顧維慧妻禮部郎中孫錄長女也通書史
嫻禮義待字時生母病割股療之母病獲愈年十
七歸慧越六月慧隨父粵東任逾三載始歸染顛
狂疾刀斧提弄舉室倉皇送氏歸母家甚禁慧翁
姑慮誤氏青年令改適氏聞泣曰烈女豈事二夫
哉吾夫尚存設不幸生顧家婦死顧家鬼耳翁姑

知志不可奪益送慧就母家市田養之五年慧病
稍瘥生三女慧病復作仍苦禁翁姑復申前議氏
志彌堅繡觀音大士像晨昏虔奉之終日扃戶親
隣罕見其面未幾慧沒氏痛不欲生因翁姑在堂
二女無依勉進食撫三伯之子煥章續夫嗣時氏
年三十歲夏公德芳爲作淑女傳嗣翁姑先後棄
世氏哀禮兼盡父母歿氏亦如之今氏年七十餘
矣道光六年巡撫嵩題

旌子煥章由行伍官凱里營外委僉以爲節孝之報云

李氏庠生王到繼妻年十八適到生子女各二到歿

氏年二十九姑老病湯藥飲食氏獨力任之洎病篤默禱上蒼願以身代尋獲痊壽九十六始卒子女並前妻之女先後婚嫁氏艱苦備嘗里黨憐之道光六年撫憲嵩題

旌

甘氏臻洞司土千總劉祚遠妻年十六歸祚遠生子榮祖甫五歲祚遠歿氏年二十二守節撫孤翁姑老多病輾轉床褥侍湯藥浣滌污垢不假手家人翁姑繼歿哀禮無少歉榮祖長婚數年亦亡遺子忠奎方六齡氏撫孤孫恩勤益篤時土職中

袁勢將爲代辦者所奪氏屢控 上憲忠奎始獲
承襲氏因子少代任事內肅家政外輯苗疆卒年
七十七道光七年撫憲嵩題

旌

張氏胡朝俊妻年十七歸俊生子女各一俊歿氏年
二十三奉七旬衰姑存歿無憾守節五十餘年道
光八年撫憲嵩題

旌

羅氏顧水妻年十五歸水生子一名宗五歲未週而
水亡氏年二十一勵志守節道光十二年撫憲嵩

題

旌

方氏黃開宇妻年十八歸宇時翁姑已歿氏孝事祖
姑生子三長鶴齡方三歲次雙生龍翔龍章歲甫
週而宇歿氏仰事俯育祖姑壽登百齡鶴齡龍翔
相繼入武庠龍章亦成立計守節二十餘年學使
許以壽蕙慈竹獎之道光十二年撫憲高題

旌

劉氏余封妻年十六歸封生子登堂甫五歲封歿氏
勤紡績奉姑撫子姑病七年侍湯藥不懈姑歿哀

禮兼盡守節三十九年道光十五年撫憲裕題

旌

明未旌

王氏通判孫旁繼妻河南新鄭人旁卒氏年十九生女甫六月前妻一子六歲氏誓不再醮撫育子女旁仕未久家計蕭條氏食貧茹苦破屋三間恬然安之卒年七十

孫氏庠生王壁妻壁卒氏年二十四子鑣甫四歲氏耐守苦節性寬和言笑不苟教子成名應泰昌選貢

馮氏庠生李大倫妻年二十四倫隨父玉山任長沙
經歷不歸繼姑兩目失明氏侍姑值年荒世亂困
苦流離廿餘年益無怨悔姑卒呼號欲絕乞營葬
終守鄉人至今憐之

楊氏庠生趙仁妻仁早歿氏年二十二遺子景甫三
歲氏守節教子卒領歲薦撫按屢加旌獎

楊氏通判孫應鵬妻年二十七鵬卒誓死守節長齋
供佛卽至戚罕見其面晚年家益落一婢自隨饋
粥不繼卒年七十七副使沈思克旌之

國朝

縣志卷四

節婦

傅氏李天粹妻年二十三夫卒子之璞甫二歲值世
亂家無宿糧採蒿度日依弟鳳翼居撫子成立卒
年七十有四

何氏庠生孔貞憲妻年二十四夫卒子尚質甫三歲
先是翁孔元允任激浦教職世變路梗遺姑谷氏
在堂氏奉姑撫子歲荒紡績度日十餘年姑歿具
衣棺葬之教子成名擇配張氏生孫三值吳逆兵
亂尚質遇害氏與媳又撫孫成立其苦節勤勞真
孔門三世功臣也卒年八十六

余氏倪璽妻年二十二夫卒子芳甫週歲氏矢節撫

子成名翁娶妾生子氏待之甚厚與芳爭產命讓之以散和睦居恒溫厚少言持身有禮邑侯許公國幹賜額曰昌後維儀以壽終

方氏孔尚巔妻歸五月而巔卒氏年十九無嗣矢志守節父母欲奪之氏堅執不從曰我不隨夫死者以翁姑無人奉養耳若強之我卽死矣父母不

言逾三年翁卒又二十餘年姑亦卒氏先後哀禮兼盡父晚年喪子氏慟外家乏嗣勸父納妾母盧氏性褊急賴氏調護之期年生弟濛卒延父嗣又慮夫無嗣撫長房姪應芳爲己子司鐸吳君爵聞

而贊之曰是乃孔門節婦方室功臣也賜匾額曰
節孝可風後應芳不祿氏哭曰天方絕我奈何悲
憤成病卒年五十八

楊氏胡安國妻已旌胡鎮國妻范氏孀也安國歿氏
年二十六一子甫三歲氏誓守之貞靜恬默內外
無間言卒年八十八謂一門雙節

張氏監生王玫妻已旌盧氏媳也玫歿氏年二十一
子廷樑尚幼氏守節撫子松筠節操

李氏王廷楠妻年二十夫歿氏矢志守節教子繡讀
書遊泮卒年七十二

陳氏任思恩妻夫歿遭逆苗叛苦節撫子始終如一
卒年七十八

周氏監生孫源春妻無出源春歿氏年二十七誓守
繼姪維杰維域爲夫嗣撫教成名學憲許書孝慈
貞節匾其門

羅氏孔毓宗妻已旌雷氏卽其嫂也歸孔一年有娠
甫七閱月而夫歿時年二十氏泣曰天幸產男吾
庶幾生不然亦從夫地下矣果產男始起視家事
誓終守之後男生子尋卒氏年五十餘哭子喪明
旋以哀死孫家貧無力請旌志之以風當世

任氏知縣張素妾青年守節

汪氏庠生顧光宇妻年十六歸宇歲餘宇罹疾別寢
語氏改醮姑與伯姑均首肯氏悲泣不食者數日
嘆曰如斯言顧氏之脉斬矣侍夫病日爲顧宗祧
禱年二十二生子國經喜曰吾今有子此天所以
成吾志也逾年宇歿姑以哭子喪明氏奉養盡禮
兄欲奪氏志絕跡其門收夫家伯叔孤子撫育完
配盈節食用以贖貧乏卒年七十八學憲許以
孝慈貞壽旌之次孫民碧遊泮食餼

李氏張奇生繼妻奇生蜀塾江縣人客於清遂家焉

娶陳氏生女未離襁褓復生子甫六月而陳氏亡
繼娶李撫育子女如親生三載竒生亡家益貧氏
泣曰張氏一脈不斬者恃此子也力紡績自給每
食泣語女曰汝少飢何害汝弟乃宗緒所繫不可
令受餓值乾隆乙卯苗變攜子女避難保護彌切
還構茅屋十餘年女遣嫁子繼盛成名卒年八十
八繼盛年六十隨母歿其子文每談往事輒泣涕
云

胡氏張起才妻起才儒家子也娶胡氏生子甫三月
起才亡氏年二十家素貧矢志守節足不踰閭奉

姑孝姑歿哀禮備至撫子學源娶宋氏生子二學
源尋亡宋年二十四氏偕孀媳撫長孫儒珍娶喻
氏生子甫一月儒珍又亡喻年十九泣曰祖姑及
姑無二志我何敢有他焉三世繼承一堂節孝詩
胡氏守節五十三年年七十三宋氏守節三十九
年年六十三喻氏守節二十年子鴻典方業備
張氏危而卒不危者三節婦力也志之以驗節孝
之後必昌云

孫氏李永昌妻年十八歸昌昌貧無以自給逃外不
歸姑性嚴氏傭工度日恒減餐膳姑十餘年無怨

懟姑歿詣凱里準提閣披荆爲尼

孫氏張仁堦妻夫歿氏年二十八奉姑教子卒年近七十

周氏營兵杜時杰妻乾隆三十二年杰隨征金川陣亡遺二子數歲氏年二十二撫子成立卒年七十有五

戴氏李光華妻華歿氏年二十四矢志撫孤孀居四十年劉廣文贈額曰節操可風

張氏營兵李成模妻乾隆三十七年模出師大金川陣亡遺子茂甫週歲氏年十九撫子成立奉孀姑

養葬交盡

武氏張廷椿妻年二十椿亡撫遺腹子成立守節二十餘年

吳氏羅恒昇妻年十五歸昇生子國治甫六歲女二均未離襁褓祖姑與翁益夫相繼歿一年之間三喪交迫繼姑老邁氏年二十三奉姑孝謹逾年繼姑又歿氏典屋營葬家計益窘志節益堅躬藝蔬蔬以度日子女婚嫁悉力完之守節三十五年現年五十八歲

劉氏庠生孫溥妻官四川資州州判鑛媳也年十六

適溥性貞靜克盡婦道生子二長枝椿次枝槐溥
亡氏年二十四失志撫子節儉終身有古楨舟風
卒年七十九

張氏吳啟餘妻年十六歸餘生子二餘卒氏年十九
孝事舅姑因長房無嗣以次子繼之長子殤氏不
以次子過繼爲悔守節逾三十年親隣無間言

顧氏庠生李潤妻年十六適潤甫一載有娠潤尋病
危氏割股療之獲痊已復病歿氏痛欲身殉翁姑
勗以存祀大義乃止生子維禎撫養成名時年四
十五歲

王氏庠生段溥妻孝事翁姑姑歿孝事繼姑生三子溥歿氏年二十七積勞成疾翁姑喪葬氏力起任之教子甚嚴次列膠庠現守節三十四年

李氏段澈妻前節孝王氏孀也閒靜寡言笑年十七歸澈十九澈歿生子甫七月氏誓守與王同孝事翁姑暨繼姑亦與王同守節三十三年卒年五十二人稱一門雙節

徐氏庠生陶宗芹妻年十六歸芹生一子芹卒氏年二十六養葬翁姑延師訓子家範凜然孫五均詩書世其業

徐氏陶宗蘭妻年十七適蘭三載蘭歿生女一矢志
守節繼夫伯兄宗藻子爲嗣事翁姑教子女里人
無間言

劉氏傅旨妻年十四適旨家貧旨遠遊不歸十餘年
氏備極艱辛事翁姑惟謹嗣旨歸居數日尋卒氏
誓守節翁姑恒向人曰我二人若無劉非死餓即
死凍矣劉無出繼路姓子以延夫嗣卒年七十

馮氏王衡妻生子甫三月衡歿氏年十九或勸之嫁
泣不從嗣子死媳改適遺孫零丁氏撫養成立時

年七十六

舒氏庠生吳文標妻標歿遺腹生子氏年二十三事親撫孤孝慈兼盡

孫氏庠生劉蔭斗妻生子一蔭斗歿氏年二十七家故寒素叠遭回祿衣食恒不給氏棲息窮巷爲子婚配生孫甫二歲子尋歿氏鞠育弱孫支持家計備極酸辛

顧氏劉蔭霖妻孫氏孀也年二十一霖繼斗歿各遺零丁氏與姆同居二十餘年里稱一門雙節

胡氏任永讓妻永讓遊滇幕旋赴河南客死氏年二十三無子女養葬翁姑克盡婦道年五十七以苦

節終

龍氏周興輝妻年十八歸輝五載輝亡遺腹生子氏
食貧茹苦撫子成立時年五十五子已生孫而嚴
訓尤篤

楊氏庠生馬懋昭繼妻年十六歸懋昭撫前室二女
若親生生子尙忠昭病氏嘗便以辦寒熱及歿尙
忠甫十歲氏偕妾徐氏矢志撫孤事翁姑喪葬盡
禮子遊洋學憲許以書秋延祺表其門藩憲李額
旌志定節堅

丁氏馬標妻年十五歸標羣越歲生子世昌甫三

月而標羣亡氏矢志撫孤奉姑孝姑析伯仲爨氏
泣請同宅侍養閨門肅然

顏氏王廷瑤妻年十七適瑤生子女各一瑤歿氏年
二十二時祖姑暨姑先后孀居氏孝事盡闈食貧
茹苦人稱三代節孝

周氏王廷琮妻琮卒氏年二十六家貧親老氏竭力
捍擋生歿無憾撫二子耕讀執業現年四十九歲
邵氏王廷華妻年十四歸華生子女各二華歿氏年
二十七飲冰茹葦兒女婚嫁事悉力完之現年八

徐氏蔣名王妻年十六歸王生子二王從征氏年二十六孝事翁姑姑卒無伯叔兄翁獨持喪葬嗣王陣亡二子俱殤氏誓守節畫灌園夜鍼黹奉翁二十年存歿無憾卒年八十餘

黃氏官應廉妻廉卒氏年二十七事翁姑以孝聞性慈惠好施有隣婦柏氏夫婿任姓久客於外零落無倚氏延與共處解衣推食者四年臬憲李旌其門貞淑均傳

周氏王崇蓮妻年十五歸蓮甫二月蓮歿氏撫姪承祀孝事舅姑現年七十五歲

張氏劉世選妻年二十五歲選卒氏撫子守節子歿
復撫弱孫辛苦備嘗處之若素

劉氏胡萬金妻年十六適金閱二載生子秉健甫月
餘金卒氏矢志苦守貞操凜然

劉氏張炳元妻氏年二十三元歿家甚貧親老子幼
氏志節彌堅里黨重之

姚氏楊以巖妻年十四歸巖逾九年巖歿遺子源家
貧氏奉雙親撫幼子備歷辛酸後源與翁始相繼
逝氏撫孫四力完婚配卒年七十五

夏氏劉守先妻生子三先歿氏年二十督子耕耘自

任井臼苦節終其身

邵氏陸尚德妻德歿氏年二十八子女各一均幼氏撫育教訓後子鎮朝入武庠

李氏邵光泗妻年十六歸泗孝事翁姑泗歿氏撫孤成立後二子及長媳相繼逝遺弱孫二氏復撫之

艱苦備歷

孫氏顧宗棫妻棫歿氏年二十三撫育二孤節堅金石

潘氏顧烜妻年二十二烜歿氏教育子女冰雪皜然
劉氏孫平海妻海歿氏年十八事翁姑撫孤子孝慈

兼至守節四十二年

羅氏廩生孫維杰妻年十七適杰生子甫三歲杰歿
孝事孀姑姑病牙癰氏吮獲痊教子成立冰霜之

操歷三十年

蔣氏庠生孫維棫妻羅氏孀也年十八適棫生子二
二十四歲棫歿氏孝事孀姑慈撫幼子守節二十
九年

韓氏孫準妻年十六適準生文二準歿韓年二十四
時姑老邁冢婦寡又病喪明氏請同姑居不令習
勞廿餘年凡姑飲食起居獨力任之無稍倦姑歿

哀毀逾常里黨憐其苦節

顧氏李瀛妻年十六適瀛生子一女二瀛歿氏年二十六孝事翁姑和睦鄰里人無間言

陸氏夏光昭妻年十五適昭十七生子甫週歲昭歿姑老病湯藥使溺之具必躬必親凡六年家甚貧督子躬耕自以紡績佐之

邵氏顧宗孟妻生子女各一孟歿氏年二十五歲翁姑病家貧弗克延醫潛割股療之鞠育子女以苦節終

鄧氏辛朝高妻適二載夫亡氏年十九閏五月遺腹

生子德志氏對翁姑泣曰天不絕夫嗣婦志遂矣
氏事親撫子孝慈信篤

吳氏楊秀成妻年十八適成生子與仁甫二歲成歿
家貧親老氏不忍以生計累翁姑晝督耕夜課讀
辛甚備嘗子長體廢學笠蓑代牧卒獲遊泮現守
節三十五年

吳氏王廷杰妻年十九適杰二十四歲杰歿遺腹生
子位申氏誓守翁姑衰老曲爲承順及歿喪葬盡
禮撫子成立現年七十二歲

顧氏王哲妻年十八適哲生子女各一哲歿氏年二

十二事翁姑撫子女孝慈兼盡現年六十有七

顧氏劉蔭祿妻祿歿氏年二十七生子甫八月撫孤
守節冰雪凜然

徐氏劉蔭樾繼妻生子一前室遺子三徐視之一如
己出事孀姑左右就養凡事必躬親樾歿氏年二
十四矢節不渝

孝婦

徐氏胡明妻已旌節孝張氏媳也夫婦時以承順母
志相勸定省事氏力尤多張病劇氏憂勞交迫伺
入靜封股療之姑病獲痊人以爲孝感

劉氏蔡永茂妻幼孤鮮兄弟依伯父母居長歸蔡克
盡婦道得翁姑歡翁歿姑老多病氏日夜辛勤坐
卧撫摩便溺洗滌歷十餘年無少疲姑有命雖雪
夜霜晨急趨左右姑歿哀禮交盡每與人話及翁
姑事淚涔涔下

王氏庠生顧宗杭妻事翁姑夙以孝聞翁姑先後抱
病醫藥罔效氏兩次割股療之均獲痊道光十七
年撫憲賀給予誠孝格天匾額

孝女

蒲英瓊英庠生余圭女姊妹同志願事親終身平時

衣褐茹素操井臼暇則諷誦釋經祝父母福壽聞
居四十年里有誣以其教者事聞上憲自其免獎
資發回嗣父母俱歿英繼之蘭英年逾五十不
改其素

元英舉人顧維亮次女性篤孝初因鮮兄弟誓不適
大日惟持齋祝父母福壽報養育恩父官桐梓司
訓祖母年逾八旬元英以父弗克迎養侍奉益謹
益有割股療病事

陳妹洋生景星女年十四景星病危女泣曰弟弱家
貧倘不測流離之禍不旋踵矣潛割股以進卒獲

本後歸鍾女祖母偶見刀痕詰之始悉

續輯節孝

傅氏吳榮魁妻魁歿氏年二十二歲願承姑志矢志節不渝雖經苗變流離二十年而冰霜猶是現年五十六歲

旌

丁氏包世杰妻年十八適杰生子學明女二越八年乙卯避亂平越杰歿家無宿糧携子女進省十指度日茹苦撫孤現年四十九歲

羅氏包世臣妻年二十適臣生子學淵甫一歲乙卯

苗叛避難平越居年餘臣歿氏誓無二志後越告
警携孤子進省針黹度活現年四十七歲

戴氏吳啟周妻年二十六歲周歿遂絕葷酒矢志靡
他事翁姑盡禮課諸子成名守節五十年

蕭氏時德齒妻年十六適齡六年生三子齡歿苦守
矢志不渝雖經苗變避難勻城城陷自盡是謂節
烈

胡氏顧錦基母夫歿錦基僅二歲氏矢志撫孤饑寒
不改守節二十餘年子亦成立

許氏王璉之妻年十六適璉璉歿氏矢志柏舟雖流

離無異志今回鄉與女洪貞閉戶持齋

楊氏朱文彩妻夫早卒遺子一女二家不甚裕氏勤
樹畜完婚娶尊師恤貧族黨稱羨乙卯苗叛與子
學泰俱困死

李氏孫藹然妻年十八適藹生子女各一藹歿氏年
二十三冰節凜然雖患難流離備嘗辛苦猶能撫
育子女豎胞姪福堂堂姪慶堂皆成立孫氏宗支
賴以廣延者氏之力也

陸氏王璋之妻夫歿茹素守節現年五十餘歲
張氏王錡之妻夫歿守節現年六十餘歲

阮氏孫煥廷妻年十八歸廷生子二六年而廷歿氏
孝事翁姑慈撫孤子雖經苗叛流徙二十年而志
終不渝現年五十八歲

顧氏厲天爵之媳進士顧衷之女夫死無嗣繼族姪
爲子守節終身

彭氏武庠馬世駿之妻駿有病無子早卒乙卯避亂
洪江撫伯子爲嗣茹素終身

李氏張朝相繼室孝廉張時煦之繼母生子女各一
而相歿氏年二十餘適翁病危氏恐翁再歿密割
股以進獲痊守節終身其女名三妹適胡姓乙卯

避難夫病亡亦以十指撫二孤焉

李氏隆昌堡宋義之妻子歸後夫病歿值苗叛隨翁姑避難洪江弟媳又歿遺姪英達呱呱裸抱依氏撫養有憐其孤苦饑寒勸再醮者泣不允惟勤操女紅撫姪成立現年五十餘歲

周氏文生顧忻之妻夫亡氏年二十八歲守節無子現年四十八歲

周氏彭阿官之妻年二十餘官亡遺一子一女年俱幼氏撫育以終

孫氏文生顧炳光之妻夫亡氏年二十五歲難中守

節撫二子世禎世科成立現年五十歲

孫氏武生顧世焜之妻夫亡氏年二十五歲難中守節撫孤子福盛成立現年五十八歲

孫氏悅來堡孫王蓮女方誠學之妻子歸五年方誠學出師南京陣亡氏難中奉齋守節現年五十歲

左氏武童段桂杰妻杰歿守子自甘淡泊以終其身

李氏劉敏樹之妻年二十九歲樹歿苦守終身現年五十六歲

李氏宋△△之妻年二十餘歲夫歿氏守繼姪嚴佑爲嗣現年五十九歲

高氏例貢李樹德之妻候選同知李東森之母德歿
撫森二十餘年森亦知盡孝養焉

劉氏吳聚和妻生子一女四和遊雲南歿氏撫子嫁
女苦守其節乙卯苗叛逃至平越而終已請

旌

吳氏把總丁燦揚之妻生子一揚歿氏年二十六矢
志撫孤現在五十餘歲已請

旌

戴氏左德音妻生女二夫亡三月生遺腹子氏誓撫
子女婚嫁逾周現在六十餘歲

徐氏文庠孫茂榆妻榆歿氏撫一子二女二十餘年
矢志靡他乙卯避亂凱城子病亡遺一孫氏旋歿
年已四十餘今孫又生孫矣

唐氏龍文錦妻年十八歸錦生一子起林錦歿氏年
二十四歲家不甚裕奉養翁姑撫子成立凱城失
氏恐受辱跳火堂焚死真可謂節烈之至矣

李氏王義如之妻守節九十四歲避難清城城陷遇
難

顧氏姚殿甲妻甲歿無嗣矢志靡他城陷殉難

方孫氏 曾楊氏

顧氏李潤妻年十六歸潤甫二歲潤歿四日生遺

腹子維嶺撫養成名道光乙巳請

旌建坊已酉子維楨又歿氏撫孤孫丙辰凱城陷氏年七

十一歲遇難

吳氏蔣清榮妻生子女各一縈歿氏年二十六歲乙

卯苗叛避難省垣針黹度日男婚女嫁自勵冰霜

現年五十三歲

徐氏張廷揚妻揚歿氏守節三十餘年乙卯被苗害

鄧氏庠生孫炳妻避難鎮西衛夫歿氏矢節後城失

氏身受重傷猶負子夢祥逃出十指生活現年

五十餘歲

譚氏廣西候補州同黃體中妻表教於粵西氏在黔
入尚節堂苦輔二子一女成人今回馬場現年四
十餘歲

舒氏羅定英妻年二十三歲夫故守節撫一子名德
洪乙卯苗變賊陷殉難請

旌

貞烈女

錦珍庠生孫茂榆次女許字周姓未及笄避亂凱城
兄嫂俱歿遺幼姪培安皆珍撫養城陷遇老佃戶
保回山江傭針度日後聞苗欲徇陰以針密縫深
衣投河而死

王翠花排洛人未及笄夫夭誓不再字全家避亂丹
江女慮城陷身辱先投水自盡

卯妹梁應魁女避亂丹江後城陷逃回苗欲相徇潛
縊山中

姜福英六歲入丁木立家爲婢今年近三十餘茹素

不怨盡心力於主人善貿易看銀水能算法真可
謂貞而義者

竹英孫茂標女麻拐碣破自縊

王芝雲千箱堡王璋女也守貞與寡母王陸氏同居
茹素終身

王洪貞千箱堡王璉女也生七歲父亡後許字陳景
伊乙卯景伊被苗害遂守貞侍孀母許氏共持針
指聊生流離頻年毫無異志今回鄉日與母持齋
閉戶而已

陶姓四溺女翁蕩人苗亂畏辱各密縫深衣先投翁

蕩河死

考妹武生李增華婦遇變跳河死

張廷英女爐山將陷先服毒而死

明珠吳起東女炉山失守潔身自縊

老翠吳光祖女隨母投濟生池

文秀劉燿彤女城失死於塘

程秀祥秀劉燿彤姪女城陷死於塘

銀秀龍秀劉燿宿女城陷死於塘

鏡秀宗秀月秀劉燿垣女城陷死於塘

雷引第 雷連榮 雷連英 雷團妹 雷小妹

雷二妹 雷三妹 雷雲妹城陷俱投水死

安妹戴殿揚長女苗逼自縊

老妹周芝杰女苗逼自縊

桂枝黃玉堂女苗亂避都勻城陷自盡

長妹三妹四妹馬兵孫德恩女凱城陷俱跳塘死

蘭英梅英唐汝雲女凱城陷俱縊於書樓

桃雲青雲碧雲唐王科女凱城陷俱縊於書樓

碧祥書雲唐廷樑女凱城陷俱縊於樓


四妹唐廷桂女城陷自縊

巧雲福雲菱雲凱城陷俱自縊於樓

碧映唐廷楮女城
陷自縊書樓

霓珠 春香 小紅 小樓 懷珠 隨貴皆氏使

女隨主人投塘而死



烈婦

明

趙氏漆大亨妻年二十二夫亡無子自縊以殉撫按
題旌

楊氏劉滿妻農家婦也滿奇窮且痴愚備諸醜狀楊
適滿數年甘貧苦執婦道毫無違慢嗣滿不耕藝
生計日窘欲鬻楊以自活楊不從願自紡績謀衣
食滿謀強鬻之適有富商傅姓者貪楊色伺滿意
決因厚賄之滿喜極輒出手印署婚券擬越宿遣
嫁楊無奈慟哭踰時是夜潛入後園自經死

王氏遊學武經綸繼妻年二十無子借武議將前室
次女所生之子立爲後伯武病歿氏哀痛欲殉尋
以武喪乏人經理勉進食營葬畢剝棺木四塊氏
促匠成之僕請何用氏佯曰便於市耳棺成氏語
姑曰媳不孝恐不克終養幸有叔在無慮也姑方
以氏多病故云然至夜深整衣素妝焚香於案自
縊死時年二十五歲司訓李茂實暨鄉人士輓之
曰義氣流風草貞操若水雪云云

國朝

方氏羅定科妻科歿遺一子尚稚氏痛不欲生家人

勸以撫孤大義乃止未幾子殤哀號累日尋自縊
曹氏麻哈屬曹人與女年十七適邑民劉貴松伉儷
甚篤夫採薪墜樹死縊殉之陳廣文嘉謨有傳見
藝文

黃氏麻哈望族女性端嚴容止娟秀幼許字邑之杜
氏子杜親陋而貧女父母陰蓄悔婚意恒話杜情
狀以移女志女誓不他適年三十二杜飄泊如故
女守貞待字晏如也父母卒不女諒改字邵姓女
詐病魔易誓之日扃戶堅不出父怒破門人以頭
觸柱女恐父傷生計不得之父或得之邵迺面從

易誓誓以針線密縫其深衣詣邵之夕泣訴願披
剃爲尼邵不納摧折百般女始終堅拒每食僅少
許莫滿月歸省別圖良策父聞之杜絕歸省並寄
語如不同心任邵窮活女計無復之絕粒四日但
餘微息邵懼昇送母家移時隕命聞者哀之麻曠
舉人羅桂林有傳

續輯烈婦

壽妹龍傳林女把總龔名士姊也于歸鍾保弟乙卯
避亂入哈城路阻缺鹽保貧傳至平越買鹽病故
壽妹聞信日夜號泣不食而死

郭氏李春榮妻凱城陷氏自刎死

曹氏州同雷燦妻城未陷已有辜婦女投水免致受辱之言後城陷其媳張氏孫氏顧氏劉氏吳氏蔡氏俱從氏投水自盡

劉氏雷以泰妻母女三人跳樂綿升子巖而死

李氏雷鈞妻跳西門八角巖死

許氏華氏太史劉蔭棠妾投塘自盡

邱氏劉耀垣妻投水而死

金氏瓊氏廩生劉燿彤妻投水死

雷氏劉培芳妻投塘死

孫淑儀繩武女東姓溫淑適黃門生女一遇髮匪於
黔西之高家田潛入半山自縊其女隨縊後卽於
縊所葬之額其碑云烈婦孫淑儀母女墓

顧氏廩生劉燿宿妻投塘死

瞿氏孫隆標妻麻拐洞破自縊

張氏孫穆然妻投河自盡

張氏孫彬然妻投河自盡

楊氏庠生孫維相妻投河死

段氏姓德昌妻城陷慮爲苗傷懸樹自盡

王氏武庠段安邦妻城陷投河死

孫氏段桂熙妻城陷投河死

田氏監生段桂芳妻城陷投河死

唐氏吳光祖妻城陷携子女投濟生池死

袁氏吳文靜妻賊屠凱城與兩女適雷適蔣者同棲

先自縊

朱氏吳政烜妻城陷投濟生池死

劉氏監生顧炳林妻林遇害氏不受苗逼投冷水堰
河而死

劉氏文庠吳起渭妻賊屠清城投水死

陳氏礼生徐廷洲妻城陷投河死

夏氏外委任芳蘭妻凱城陷携一子一女奔巖頭河

觸而死

王氏徐登舉妻凱城陷與子二連跳洗馬河

謝氏徐廷玉妻年六旬城陷投塘而死

阮氏石天爵妻爐山陷自縊

方氏梁登甲妻避亂丹江城陷負嬰兒投河自盡

王氏顧濟美妻美早歿誓守後爐山陷逃至隆昌堡
不受賊辱被殺

王唐氏唐汝明女凱城陷投河死之

李氏戴殿揚妻遇難先將幼女溺死身尋自盡

龍氏夏光明妻避亂勾城城陷自盡

余氏夏光儀妻有子女各一勾城陷先溺子女身卽隨之

段氏從九陳春甫妻城陷抱幼女投塘死

蔣氏武生李長春妻城陷投河死

鄒氏鄒起和女吳文煥之母遇夫不良十指養女盆子城陷不辱殉難

時氏吳文繡妻遇害氏投河殉節

楊氏操上王松妻賊破爐山自縊盡節

孫氏爐山大堪劉炳勳之妻賊破爐山投河盡節

顧氏劉錦堂之妻賊破爐山投河盡節

王△氏文生王之綱妻被苗逼爲室氏誘之曰我夫
現在平寨爾去喚來我對他說明卽與你爲妻之
綱至氏手挈鞋一對與之密囑云可速逃我總對
得往你就是之綱去氏卽自刎死

范氏唐玉科妻張氏唐廷柱妻侯氏唐有科妻劉氏
唐廷標妻俱服毒而死

陳氏段如璠妻避一姓平越之楊義司無出夫病歿送
一柩上山卽沉水自盡其翁述之常涕泣

續輯被難婦女

轉弟引弟蔣玉春女凱城陷被害

謝滿妹城陷與母俱被殺

饒長妹三妹與二妹城陷俱被殺

阿雙阿引周煥章凱城陷被殺

王氏雷鍾藻之妻被殺

曾氏雷鍾奎之妻被殺

戴氏劉耀泰妻及女老玉城陷遇難

陳氏蔣同妻城陷遇害
雷楊氏被殺

高氏武舉蔣萬春妻游氏蔣通春妻吳氏蔣發魁妻

俱與蔣陳氏同時遇害

湯氏唐汝明之妻城陷遇難

蔡氏孫官佑妻麻拐砢破賊抉腸而死次子重陽七

歲同時遇害

李氏孫元標妻城陷殉難

瞿氏孫茂植妻城陷遇難

張氏孫茂菁妻城陷遇難

石氏姚殿勳妻城陷苗傷勳石冒刃相衛偕子四五

人同時遇害

李氏姚德洋妻城陷淫受重傷負淫逃數里許後俱

遇害

王氏曾作祥母七十餘於流水寨遇賊害

王曾氏遇害於流水寨

劉氏吳三母也由下司避亂清平城陷火焚死

何氏周金榮母也城陷年七十餘子負而逃尋遇害

徐氏周金榮妻與姑及夫同時遇害

王氏周廷松妻凱城失守被賊亂石擊死

顧氏徐登林妻爐山失守遇害

孫顧氏顧宗斗女爐山失守遇害

王氏世英文經武妻城陷遇難

邱氏戴老應妻城陷遇害妻孔氏亦遇害

許氏王家輔妻城陷遇難

鄭氏王家佐妻城陷遇難

沈氏陳其富妻城陷遇難

馬氏從九喻胤仁妻城陷遇難

江氏馬百總丁樹台妻城陷遇難

鄧楊氏城陷遇害

鄧氏臻洞司土司劉王齡母也遇賊被難

張氏黃家五妻城陷遇害

楊氏黃家模妻城陷遇害

王氏廩生饒顧鴻妻城陷遇害

孫氏饒福蔭妻城陷遇害

吳氏廖宗翹妻城陷遇害

易氏廖春興妻城陷遇害

王氏黃大有妻城陷遇難

劉唐氏母子三口俱遇難

黃張氏年六十餘城陷遇難

廖彭氏 何汪氏 何蔣氏 何王氏 饒朱氏

傅陳氏 饒譚氏 莫夏氏 王孫氏 孫龍氏

張徐氏 劉老太 苦李井人 清城 俱遇害

邵吳氏城陷殉難

譚氏母女三人殉難

陳羅氏 楊張氏 任陳氏 在城殉難

賢淑

張氏庠生大猷女幼時父兄口授女史輒解大義長
適庠生王金華年三十無出屢勸華納妾華以年
富緩其事氏典簪珥納焉華或因家務怒妾氏勸
以婦女必心神暢血脉和庶易孕渠非爲家納爲
子納也居恒待妾輕并重分無事不體恤妾生子
一女二氏愛如已出華歿與妾苦守三十餘年未
嘗有睚眦之色

孫氏庠生顧維新繼室也氏無出撫前室子如已出
夫病割股療之獲愈諸姑伯姊有語及氏者莫不

交稱其淑德見信於人如此

閻氏大學生劉源一妻始歸時翁姑垂聽伯叔盈庭
氏以家婦經紀家政勤儉慈睦閭族稱賢家世寒
素氏典簪珥勤紡績課讀弗衰子蔭棠由處常外
任歷官兩河郡守治聲卓著人謂得之慈訓尤多

續輯賢淑

蒙氏處士張文繼室歸張時年尚幼然撫前室二子
三女如己出嫁嫁適周適次媳劉氏歿遺孫一男
一女蒙又撫育之保愛殷情平日待下寬嚴得宜
持家勤儉適體鄉黨咸稱其德卒年八十四後以

長孫時杰職

馳贈恭人

王氏國學生張朝魁繼妻氏無出撫前室七子如已
生一家兩房未分舉氏上奉繼姑能勤謹待侄輩
無隔膜合宅數十人無間言奴婢亦畏愛之乙卯
避亂峩城姑八十餘病痢氏不嫌穢親自洗濯服
侍周至姑將歿囑曰惟願神佑女子孝媳順長命
富貴身受

皇恩云云後移住省垣避難日久人口重多衣食艱難氏
一切勤儉心力交盡病幾不起平靖後宅團圓還

鄉旋以長子時杰職

誥封恭人奉誥曰里黨嘖嘖稱請拜

誥太恭人云爲後母非無好處我今日生受封亦令爲繼母者想想等語於戲張氏三代均以繼母撫孤均各賢德均各不育豈偶然哉亦可以傳矣

田氏候選知州羅玉堂妻性樸儉溫惠生子一復勸堂納妾白氏處之恬如妒忌忘於心忿惠泯於邑周南樛木之詩堪嗣焉

段氏明經劉本嵩妻性溫淑得翁姑歡清城陷賊手刃嵩氏屢以身衛得免逃至涓鎮嵩病篤氏割股

療之尋獲愈至持家課子戚族交稱猶餘事

汪氏州司馬劉世勲妻年六歸勲孝翁姑寡言天勤
儉溫柔鄉黨稱賢淑焉乙卯避亂清鎮勲從戎赴
川道梗十年無耗忽有傳勲凶信氏聞不欲生時
長子次子夭亡携幼子求食度日有老嫗勸曰女
夫孝過三年赤貧難保餓死無益不如另覓一板
遮土氏泣曰餓死可對夫於地下誓不作無恥行
時餓甚飲水充饑伏不能起欲投井自盡恐斬勲
嗣中止者屢然艱苦頗歷盡矣後路通勲即訪接
過川始復團聚茲同里重振家門子已生孫夫妻

齊眉子孫繞膝人咸謂由氏能耐貧所致而氏痛
定思痛猶常述之而涕泣云

顧氏樂榜司孫文炳妻孝順賢淑素有令名姑屢病
服藥不效兩次割股療之尋獲愈

湯氏梁某妻避亂丹江城陷梁遇難氏奉姑及祖母
處苗寨傭針侍養數年祖母與姑相繼歿俱歸安
葬逾年而歿

氏馬華廷妾事嫡如母勤謹無微不至嫡生子女
氏日夜乳育甚於所生操作一切若忘辛苦嘗聞女
眷云娶妾如馬姨娘我都願討其賢淑動人如此

流寓

清平自前明始拓土瘴嶺蠻巖名流罕至

國朝簡拔俊彥招集羈旋凱水爐峯棲遲偃仰者絕無人
焉惟舊有僑寓如王伯安輩生邑山川不可沒也

明

王崇載字時厚京山人嘉靖壬戌進士歷左僉都御
史協理都察院事當張江陵時御叟安福劉臺以
言事獲譴行撫按勘問公適巡撫江西駁臬司改
擬臬司從按院批劉遂不免已而江陵事敗御史
江公東之疏安福冤語侵及公公力辯所由不能

白謫戍清平以萬厯甲申九月至衛卜居城東隅
築茅屋三間題曰鶴雪軒蓋素有味於蘇端明飛
鴻踏雪之句自號鴻雪山人日偕紳士盤桓於壺
矢棋局間時或遊覽山林探竒畜勝客去則杜門
焚香披吟古籍了無怨容諸生負笈從遊者公與
談經課文而周鯉其負其有爲之築室者一時諸
生若周鉉汪良孫應對孫逢吉輩爭自濯磨聯翩
科貢皆公樂育力也公偉幹修髯望之若凜冰暑
月猶有霜氣卽之則坦夷樸實推誠吐悖無城府
町畦生平多所樹立惟產於楚爲江陵株連亦所

遭使然也會江公東之撫黔以郵檄假之歸尋赦
免李本寧維楨過豫章得安福父所著感公狀本
寧藏之紀述斯固足爲公昭雪矣

王守仁字伯安謚文成餘姚人官兵部主事時以抗
章救王銳等忤內監劉瑾謫龍場驛丞過清有詩
云積雨山途喜乍晴暖雲浮動水花開云云又言
邑水秀山明嗣當人文蔚起流連久之不忍去後
孫淮海李培竹輩果以文章勲業爲一代名臣人
服文成具前知之哲云


國朝

黃金榜字恕齋鎮遠爲紳也其立身大節見潯陽郡志僑寓之清邑凱里市隱教讀者四十餘年年九十猶焚膏繼晷手不釋卷輯有周易刪補衍義大全經書彙男婦小兒驗方痘疹推拿秘訣今只存二集則近作及輯舊也

李維棠瀕建舉人通經術尤深於易以縣令分發河南道開第罹不法案株連其父父固宿儒官訓導棠棄官旋里代父徙清平日以文墨自娛邑宰敬禮之平越麻哈子弟來就學者多所成就遇赦回籍以乏資斧卒於清諸及門葬之瀕武廳後

續輯流寓

魯尹良字含元雲南普耳思茅廳明經書目錄藉九
精斗數以士司才氏爭職故公牘忤上徙清平教
讀之暇手不輟錄來就學者麻哈平越子弟尤多
卒於清平次子適臨扶柩回歸葬



理苗必先計工俗悉性情而後悍可馴而頑可格清
平改土歸流仍設土司赫之昔何以負嶼肆虐今
何以率土歸誠固由沐浴

清化運命浸然抑所以宰制者得也

清平長官司無考

凱里安撫司大原楊端齋歷傳至楊友友傳洪傳張
明王德閻撥歸貴州屬清平縣數傳至楊國興於
以朝康熙四十五年因土酋不法案改土歸流

凱里安撫司左副長官何清明成化間以征苗功授

凱里安撫司左副長官萬曆四十二年改屬黃平
州即今岩門宣化長官司

蘇嗣長官司明初劉△△豐城人從穎國公傅友德
征貴州有功授蘇嗣長官屬鎮遠衛傳至

國朝康熙年間劉世賢兄弟爭襲仇殺歸流雍正十一年
族人劉仕仁從征凡股台執苗有功給照授土千
總職子孫世襲乾隆二年撥歸清平縣

凱里土千總瀘毓奇本邑人雍正十三年苗變帶兵
征剿盡招撫苗人有功乾隆元年經畧張廣泗給
照授土千總職子孫世襲

落榜士把總孫塾舉本邑人乾隆元年經畧張廣泗
給照授士把總職子孫世襲

翁湯士外委張九元本邑人雍正十三年經畧張給
照授士把總嘉慶二年道憲周授士外委世襲

凱皇楊安撫司始末

凱皇原爲播州地播州在秦爲夜郎且蒞地漢屬
牂牁唐貞觀中改播州乾符初南詔陷播太原楊
端憲募復其城爲播州懷服歷五代子孫世有其
地宋天觀中楊文貴納土異遵義軍元世祖授楊
加憲宣慰司明洪武四年平蜀遣使諭之五年正

月播州宣慰使楊鏗同知羅環總管阿嬰蠻夷總
管鄭瑚等相率來歸朝貢方物仍置播州宣慰使
司領安撫司二曰草塘曰黃平長官司六曰真州
曰播州曰餘慶曰白泥曰容山曰重安鏗琛皆仍
舊職改總管爲長官司長官以嬰等爲長官司長
官八年鏗遣其弟錡來朝賜衣帛自是每三歲入
貢不絕十五年改播州宣慰司隸貴州二十一年
播州宣慰使司並所屬宣撫司官各遣其子來朝
請入大學帝勅國子監官善訓導之永樂四年免
播州之荒田租宣德三年宣慰司楊昇賀萬壽帝

嘗賜之正統十四年宣慰司楊綱老疾以其子輝
代成化十年輝有疾命子愛襲先是輝奏所屬大
壩干及重安灣溪等寨屢被苗占據乞令湖東會
兵征之命如輝言勅都御史張瓚親至播州督令
輝及諸軍討平之十二年瓚議設安甯宣撫司鞍
卽凱懷遠宣化二長官司建靖南龍場二堡輝董
其役輝委黃平土司等分城垣請撥播州操土
兵八百人徙家屬守安甯從之時灣溪既立安甯
宣撫爛土諸蠻悉其道遂引播賊齎果等攻

陷天深靖南城堡圍安甯愛襲力弗能支求

以於川中第一鎮起輝再統兵剿之十五年貴州巡

撫恩稟奏討部請不准二十二年刑部侍郎何喬

新以愛為其兄宜撫所許奉命往勘因奏友變兄

弟相許免禁為便從之二十三年喬新奏輝在日

溺其庶子友欲令承襲宜慰長官張淵阿順之安

撫宋鞫謂楊氏家法立嗣以嫡愛宜立輝不得已

以職授愛又欲割地以授友設宴害宜撫司以友

任官撫輝立券以所有金玉服用莊田召諸子均

分之輝沒淵乃與友潛謀刺愛不果友遂奏愛循

提說不軌事皆誣帝令斬淵與其弟深以愛信讒

所獲印尙可量授一官聽調殺賊以自効倘或枯
終必誅以爲玩法戒既許張襲宣撫而改安寧爲
凱里隸貴州初議分貴州播人以為非便守臣異
議命總督會勘奏仍以播州歸隸四川而貴州思
石兵備仍兼制播會平邑諸土司事報可播州宣
慰使傳至楊應龍雄猜嗜殺劫掠謀叛殘陷川之
重慶府及各縣黔之偏倚重安思石各地方萬曆
二十八年總督李化龍前巡撫郭子章合八路官
兵討平之應龍自焚死於是分播地爲二屬蜀者
曰遵義府一州四縣屬黔者曰平越府一州三縣

本朝雍正五年後以遵義義賊亂甲自楊張傳至楊國興
於康熙四十五年因土酋大惡寨內改土歸流遷
徙遼陽安置田莊八百

苗蠻

按邑苗蠻今多別徙就所存者紀之

獠獠有王黎金文吳趙羅等姓男子衣服類漢人同
姓不婚遇節則歌舞爲歡亦有長幼之序娶婦用
媒妁異寢生育後乃同室今則變更如漢禮婦女
衣尚青前後共幅洞其中從頭籠下長至膝胸背
幅間以五色絨繡花卉於上腰衣摺裙用青布繡
花長及膝下腳裏青白布亦繡花邊跣足穿草鞋

束髮於頂偏左挽髻如角狀貫以長銀簪耳垂大
銀環項帶銀圈用青布巾搭頭巾頭繡紅絨卉仍
旋纏綴紅絨四道男婦同耕作勤紡績能養在節
絲染色用父母死有喪服無衰經家居面不洗濯
步不踰戶一月期滿延巫祝名曰放鬼乃出門喪
用猪羊致祭招親友會葬用棺木立墳祭掃俗尚
鬼病不服藥以夷巫用牲畜禳其子弟亦延師教
訓有入洋者

西苗有謝馬何羅盧雷等姓衣尚青男以青布纏頭
白布裹腿婦人挽髮盤頭籠以木梳娶妻分牀異

見三六四
四七
寢必私通孕育後乃同室歲十月收穫後各日祭
白號以牡牛置平壤男女吹笙舞蹈乃殺牛以賽
年除夕各執雞酒呼合家老幼姓名謂之叫魂其
性情質實畏法令少爭訟

黑苗衣服皆尚黑故曰黑苗男女俱束髮於頂挽髻
頭向前縮長銀簪耳垂大銀鐸項帶銀圈短衣左
衽男身亦則挿白雞尾或錦雞野雞尾以爲榮婦衣
以色絹絹絲袖領間男女皆跣足着草鞋勤耕樵
女子更勞日則出作夜則紡績織布白染黑裙用
細摺長及膝下五寸餘食惟糯稻春甚白炊熟必

成團佐食惟野蔬皆以手搗今則知用碗箸寒則重衣房屋俱用土墻完密不使透風日夜以火爲明爨於鹽用蕨灰浸水置之甕中魚肉雞鴨鰕螺等類以此水煮食所種青菜俟春穫洗淨晒乾用生膏梁顆將菜層層納鐺內俟其臭過始告菜成名曰醋菜珍爲異味婚嫁姑之女必定一人爲舅媳謂之還娘頭餘女出嫁其聘銀都歸舅收謂之外甥錢倘舅無子必重加甥錢與舅否則終身不得嫁男女皆先私合情穩然後告之父母用媒妁聘禮視地方風俗貧富爲厚薄娶之日卽交舅收

召親戚宰猪牛飲酒女至男家即回不時往來俟
生育後方返喪葬用木殮葬於寨旁不封其俗以
十月十一月辰日爲年節半夜祀祖宗以猪牛魚
雞鴨盆以糯米飯杵爲糝粳互相餽送飲酒爲樂
又擇地之寬平處男吹蘆笙女拍掌團聚跳躍謂
之過年又苗性質樸凡買賣田土等事用小竹割
爲刻數謂之木刻彼此剖分各執其半以爲信永
不改悔苗事有不明者只依苗例請人講理不服
則架鍋用油米和水貯鍋置鐵斧於內柴數十担
燒極滾其人用手撈斧出鍋驗其手起泡與否爲

輸贏憑天地神明公斷有無冤枉謂之撈湯今則
禁革苗婦夫死歸於翁兄收娶近亦變化婦人有
養蠱毒者人食必畱心其火鎗環刀二械各寨苗
人俱有自雍正十三年叛逆動七省官兵征剿搜
繳軍器無許私藏

犵狁男子衣類西苗女子偏髻衣繡五彩於胸袖間
臂綴海巴盤繭紫纍如貫珠人多嗜酒四時佩刀
弩入山逐鹿羅雀然無敢爲盜

九股萬武侯南征戮之殆盡僅存九人遂爲九股散
處莫延地廣人多衣服婚姻飲食喪祭概如黑苗

而性尤剽悍輕生嗜殺睚眦之仇必報或椎埋發
塚或掘白放黑劫掠無忌又能頭頂鐵盔身披鐵
甲約重三十餘觔鐵片纏腿健者雖結束尙能左
執木牌右持鏢桿口啣利刀捷走如飛大鎗重十
餘觔鐵子重八九錢發至百步外看人立糜洞又
有牛尾鎗幾與內地鳥機礮埒強弩名人扁架長
六七尺三人共張矢無不貫其利刃名曰環刀靶
上用鐵圈大如飯碗刀靶盡纏生牛皮貯以油黑
木鞘以皮繩拴鞘佩於腰左造刃之法子初生時
各親家送鐵一塊匠人造成粗樣埋入泥溝每年

取出治鍊一次至十六年方成刀口有鏤文或三線五線九線者磨而不滅宰牛殺物過而不滯前朝楊應龍播州之亂爲之羽翼播滅而九股未剿雍正年間鈎連蠢動合數省官兵剿平獲繳刀鎗建城安營設汛立堡以駐鎮之

仙釋方技附

平越有張三丰施秉有徐白雲僊風道骨方外之士艷稱之清邑無聞焉第羽客縉流間有孤詣離塵真宰上訴言禍福亦多奇中者採錄一二以備博觀

國朝

周光先江南人傳道於邑之香爐山每建醮求雨立

應

周昌隆邑人卽光先弟子行教直誠會禱雨上表伏
地移時方起云見張天師於南天門許賜神像寶
劍禁步王佩等件頃果有人持物至倏不見後家
被火師像飛掛樹間今寶劍與像猶存

僧會如茂本邑觀音坡人俗姓鄧初祝髮於平場街
之武安宮繼移佳城聖壽寺寺固邑中第一禪林
也年久朽頽工程浩大無敢倡言修者茂慨然以
爲己任初修大雄寶殿易柱楹爲碑壁費千餘金

次修觀音閣又次修五百阿羅漢像益前後左右
房百十餘間更於石仙山下創立地藏菴益石塔
費均稱之以數千金之工程不數年而畢舉雖募
化殷勤亦疑其有神助也年八十餘將終惟飲涼
水近五十日而卒

顛僧莫特能清平快役也一日捐妻子視髮爲僧創
修雲溪上洞洞飛巖絕壁自來無人至者僧憑空
鑿險構蘭若亭臺別開生面工竣擊鉢宜偈自投
巖下死肌膚完好如生亦一奇也

徐登龍儒巾而羽流也得高人口授秘錄凡醮事嚴

怪冥翼羽化之夕營卒次日自平越歸過之臘梅
塘詢何往龍不語揚手指前途及抵家方知龍已
於前夕坐化矣卒年八十餘歲

潘公孫名士齋也幼孤披剃入邑觀音寺持葷
酒戒甚嚴長遊省會禪林釋道經咒默誦如流他
本諱字咸取正焉晚年歸夜惟跣坐出則俯首直
趨日不旁睨病篤預言圓寂時日罔不符合

方披附

明

王筆山昆明人瀟酒磊落通經史知詩文尤精星命
經推符者多奇驗也人士爭事之遞館於馬寓清二

十一年以客死畝捐資葬之東山之麓孫文恭公贈
以詩曰昆明池曲太華隈卓筆爲山草閣開一落江
湖誰借箸若論世事但嗚盃輸心讀句多誰解信口
談天百不待我正艱虞君不老好同買卜混塵埃王
訪川亦贈詩曰誰投青囊數卷書梯遊萬里此僑居
當年湖海空彈劍何處王侯可曳裾錢滿杖頭聊閉
戶身多門外有停車窮迫老去應耽酒莫嗔猖狂禮
法疏

